



08054

重刻洪武聖政

記序

不精圖
書編藏
壽正業

自古開創之君其規模未有不卓卓可觀者而條目率多簡略非得一再傳守文之主卒未能燦然而大備間嘗讀洪武聖政記而知夫崛起之際網舉目張萬幾就理遂以開有

洪武聖政記序

一

退補齋

明一代之丕基時宋景濂職司國史為之標題今記錄治世之宏綱紀經國之大要而不同於鋪陳粉飾蓋當時奏御之書也梅純損齋備忘錄謂僅見其序文而書獨亡欽定四庫書目載純或

偶未之見遽以為佚今勘驗文義
實非贋託則是書不可以不傳尤
願讀是書者想一代開創之綱紀
且以見一時名臣之留心國政也
是編從金聲玉振集中鈔成付
梓茲因鈔就聊綴數言於簡端云

洪武聖政記序

二

退補齋

同治八年夏七月同郡後學胡
鳳丹月樵甫謹識



洪武聖政記序

自古帝王創業垂統方有事乎征伐而於彌綸天下之治其勢或未遑及其大統既集亦不過振厥宏綱而萬目未盡舉焉如漢之高帝得國最正雖曰算無遺策而施之政令猶乏精詳故史臣贊之亦但云規模弘遠而已夫以高帝之雄傑尙如此則其餘從可知矣洪惟

皇上以布衣受天命蓋與高帝同雖當開拓土疆之際停戈講藝息馬論道夜以繼日無一時之寧迨夫

聖政記

一
退補齋
藏板

正天位朝萬國率圖治恒若不足於是綱舉於上目備於下誠有非高帝所可及是故郊廟以及百神之祭禮文咸秩則祀事嚴矣御極之日卽立儲位以正青宮則大本定矣眾建諸王列封功臣則大分昭矣兵戎之眾自京師達於郡縣率皆設衛其權一出於朝廷而爲將者不得私則軍政肅矣中外官有定制一革冗濫之弊而倖位絕矣冠服有別防範有嚴而民志自定無僭侈矣他如申禁令嚴實效育人材優前代正禮樂之失去海嶽之封嚴宮闈之法勵忠

節之訓剗積歲之弊如斯之類不一而足或前王之所未行或行之有未至者皆煥然有條可以垂法後世此其故何哉蓋自近代以來習俗圯壞殆將百年而天生大有爲之君首出庶物一新舊染之俗與民更始是故睿思所斷動契典則度越千古咸無與讓此正所謂錫勇智而正萬邦也臣備位詞林以文字爲職業親見盛德大業日新月著於是與僚屬謀取其有關政要者編集成書列爲上下卷凡七類合若干條名曰洪武聖政記然而天之高明也萬物莫不覆焉地之博厚也萬物莫不載焉聖人之作也萬物咸忻覩焉故凡金科之頒玉條之列著之于簡書刻之於琬琰傳之于聖子神孫者將與天地相爲無窮書曰惟天聰明惟聖時憲詩曰詒厥孫謀以燕翼子此之謂矣其所以致四海雍熙之治比隆於唐虞三代者豈不在於茲乎臣不佞請以是序于篇端極知僭踰無任隕越之至

翰林院侍講學士中順大夫知制誥同脩

國史兼太子贊善大夫臣宋濂謹序

洪武聖政記卷上

明宋濂撰

郡後學胡鳳丹月樵甫校梓

嚴祀事第一

洪武元年春正月乙亥日上以文武大臣百司眾庶合辭勸進尊爲皇帝以主黔黎勉徇輿情迺祭告天地于鍾山之陽其文曰維我中國人民之君自宋運告終帝命真人於沙漠入中國爲天下主其君父子及孫百有餘年今運亦終天下土地人民豪傑紛爭惟臣帝賜英賢李善長徐達等爲臣之輔遂能勘定

卷上

聖政記

一

退補齋藏板

采石水寨蠻子海牙方山陸寨陳也先袁州歐祥江州陳友諒潭州王忠信新淦鄧明龍泉彭時中荊州江珏濠州孫德崖廬州左君弼安豐劉福通贛州熊天瑞辰州周文貴永新周安萍鄉易華平江王世明沅州李勝蘇州張士誠慶元方國珍沂州王宣益都老保等處休兵息民於田里今地周迴二萬里廣諸臣下皆曰恐民無主必欲推尊帝號臣不敢辭亦不敢不告上帝皇祇是用吳二年正月四日於鍾山之陽設壇備儀昭告上帝皇祇簡在帝心遂卽皇帝位

于南郊定有天下之號曰大明以吳二年爲洪武元年是月恭詣太廟追尊四代考妣爲皇帝皇后立大社大稷於京師布告天下乃命中書省禮部定議郊廟及百神祀典制曰朕思天地造化能生萬物而不言故命人君代理之前代不察聽人民祀天地祈禱無所不至普天之下民庶繁多一日之間祈天者不知其幾瀆禮犯分莫大於斯古者天子祭天地諸侯祭山川大夫士庶各有所宜祭其上下合祭之神禮部其定議頒降違者罪之於是省部定奏天子親祀

卷上

聖政記

二

退補齋藏板

園丘方丘宗廟社稷若京師三皇孔子及風雲雷雨五嶽四瀆聖帝明王忠臣烈士先賢等祀則遣官致祭郡縣宜立社稷有司春秋致祭庶人祭祖父母父母及里社土穀之神并得祀竈載諸祀典其僧道建齋設醮不許奏章上表投拜青詞及塑畫天地神祇與凡扶鸞禱聖書符呪水諸術並加禁止庶幾左道不興民無惑志詔從之又命禮部諭有司謹祭祀略曰上古君天下者設官分職各守方隅爵及五等公侯伯子男居之是五等有巨微皆稱曰國所以動止

首以祀戎爲先自秦漢以下官雖異古其祭禮則不殊邇來天下有司旣無誠以奉該祀之神其於人事又何懼焉蓋儒者在任不明於理或粗俗者居官亦不訪于賢是故事多非爲不能長保富貴也若有志者居官必訪於賢者乃知祀禮之大必敬勝怠則事業昌矣若或不能窮其所以則怠勝敬其不滅者鮮矣朕思之人在世也若不畏神人是不可教者也世之所以成世者惟人與神耳豈可慢邪爾禮部遍告諸司如勅四年秋七月辛亥存心錄成上覽之謂諸

卷上

聖政記

三

退補齋藏板

儒臣曰朕觀歷代賢君事神之道罔不祇肅故百靈效祉休徵類應及乎衰世之君罔知攸敬違天慢神非惟感召災譴國家禍亂亦由是而致朕爲是懼每臨祭必誠必敬惟恐未至故命卿等編此書欲示鑒戒夫水可以鑿形古可以鑿今是編所爲善惡豈以行之於今將俾子孫永爲守法

又諭李善長等曰人之一心極難點檢朕起兵後年二十七八血氣方剛軍士日眾若不自省察任情行事誰能禁我因思心爲身之主帥若一事不合理則

百事皆廢所以常自點檢此心與身如兩敵然時時自相爭戰凡諸事爲必求至當以此號令得行肇成大業今每遇祭祀齊戒整心志對越神明而此心不能不爲事物所動檢持甚難蓋防閑此身使不妄動則自信已能若防閑此心使不妄動尙難能也善長等皆頓首曰陛下此言乃聖賢治心之要心旣治天下無難治矣

正大本第二

上旣御極卽立長子爲皇太子正位東宮以定大本

卷上

聖政記

四

退補齋藏板

戒之曰天子之子與公卿士庶人之子不同公卿士庶人之子係一家之盛衰天子之子係天下之安危爾承主器之重將有天下之責也公卿士庶人不能脩身齊家取敗止於一身若天子不能正身脩德其敗豈但一身一家之比將宗廟社稷有所不保天下生靈皆受其殃可不懼哉可不戒哉禮部尙書陶凱請選人專任東宮官屬罷兼領之職庶於輔導有所責成上曰古者官不必備惟賢能是用朕以廷臣有才望勲德者兼東宮官非無謂也嘗慮廷臣與東宮

官屬有不相能遂成嫌隙或生奸謀離間骨肉其禍非細若江充之事可爲明鑑朕今立法令臺省都督府官兼東宮官贊輔之父子一體君臣一心庶幾無相構之患也乃命詹同取東宮官制觀之謂同等曰朕今立東宮官取廷臣勳德老成者兼其職老成舊人動有典則若新進賢者亦選擇參用夫舉賢任才立國之本崇德尙齒尊賢之道輔導得賢人各盡職故連抱之木必以授良匠萬金之璧不以付拙工同對曰陛下立法垂憲之意實深遠矣於是以李善長

卷上

聖政記

五

退補齋藏板

等皆兼東宮官迺諭善長等曰朕於東宮官不別設府僚而以卿等兼之者蓋軍旅未息朕若有事於外必留太子監國若設府僚卿等在內事當啓聞太子或有聽斷不明而與卿等意見不合卿等必謂府僚導之嫌疑由是而生朕所以特置賓客諭德等官以輔成太子德性且選名儒爲之賓友昔周公教成王告以克詰戎兵召公教康王告以張皇六師此居安慮危不忘武備蓋繼世之君生長富驕泥於安逸多忽於軍旅之事一有緩急罔知所措二公所言不可

忘也劉基陶安言於上曰適聞中書欲倣元制設中書令奏以太子爲之上曰取法於古必擇其善者而從之苟爲不善而一槩是從將欲望治譬猶登高岡而卻步渡長江而回楫豈能達哉元氏胡人事不師古設官不以任賢惟其類是與名不足以副實行不足以服眾豈可取法且吾子年未長學未充更事未多所宜尊禮師傅講習經傳博通古今識達機宜他日軍國重務皆令啓聞何必效彼作中書令乎

昭大分第三

卷上

聖政記

六

退補齋藏板

三年夏四月辛酉以封建諸王告廟禮畢賜宴廷臣上曰昔元失其馭羣雄並起四方鼎沸民遭塗炭朕躬率師以靖大難皇天眷佑海宇寧謐然治天下之道必建藩屏上衛國家下安生民今諸子旣長宜各有封爵分鎮諸國朕非私其親迺遵古先哲王之制爲久安長治之道羣臣稽首對曰封建諸王以衛宗社天下萬世之公議也遂詔天下曰朕荷天地百神之靈祖宗之德起自布衣艱難創業惟時將帥用命遂致十有六年混一四海功成治定以膺正統考諸

古昔帝王既有天下子居嫡長者必正位儲貳其眾子則皆分茅胙土封以王爵蓋明長幼之分固內外之勢朕今有子十人前歲已立長子標爲皇長子爰以今歲四月七日封第二子楨爲秦王第三子桐爲晉王第四子棟爲燕王第五子櫛爲周王第六子栝爲楚王第七子樽爲齊王第八子梓爲澶王第九子杞爲蜀王第十子檀爲魯王姪孫守謙爲靖江王皆授以冊寶設置相傳官屬凡諸典禮已有定制嗚呼眾建藩府所以廣磐石之安大封土疆所以眷親支

卷上

聖政記

七

退補齋藏板

之厚古今通義朕何敢私尙賴中外臣鄰相與維持弼成政化是歲冬十一月丙申大封功臣命大都督府兵部錄上諸將功績吏部定勳爵戶部備賞物禮部定禮儀翰林院撰制誥以封功臣次日上御奉天殿皇太子親王侍丞相率文武百官列於丹陛左右上召諸將諭之畧曰汝等其聽朕今日定封行賞非出已私皆倣古先帝王之典籌之二年以征討未暇故至今日思昔創業之初天下擾亂羣雄並起當時有心於建功立業者往往無法以馭下故皆無成朕

本無意天下今日成此大業有非人力之所致是皆
天地神明之眷佑然自起兵以來諸將從朕披堅執
銳以征討四方戰勝攻取其功何可忘哉是用報以
爵賞其新附將帥之有功者亦如之其次第皆朕所
自定至公而無私如左丞相李善長雖無汗馬之勞
然事朕最久供給軍食未嘗乏闕右丞相徐達朕起
兵時卽從征討四方摧堅撫順勞勩居多此二人者
已列公爵宜進封大國以示褒嘉德懋懋官功懋懋賞今日所定若爵不稱德賞不

卷上

聖政記

八

退浦齋
藏板

酬勞卿等宜廷論之無有後言諸將皆頓首悅服迺
頒行爵賞封公者六人宣國公李善長授開國輔運
推誠守正文臣特進光祿大夫左柱國太師中書左
丞相進封韓國公食祿四千石信國公徐達授開國
輔運推誠宣力武臣特進光祿大夫左柱國太傅中
書右丞相進封魏國公食祿五千石並賜帛百匹開
平王常遇春子茂封鄭國公馮勝封宋國公李文忠
封曹國公鄧愈封衛國公俱授開國輔運推誠宣力
武臣特進榮祿大夫右柱國並食祿三千石賜帛各

八十四封侯者二十有八人湯和封中山侯唐勝宗封延安侯陸仲亨封吉安侯周德興封江夏侯華雲龍封淮安侯顧時封濟寧侯耿炳文封長興侯陳德封臨江侯郭興封鞏昌侯王宗原封六安侯鄭遇春封營陽侯費聚封平涼侯吳良封江陰侯吳禎封靖海侯趙庸封南雄侯廖永忠封德慶侯俞通源封南安侯華高封廣德侯楊璟封滎陽侯康鐸封蕪春侯朱亮祖封永嘉侯傅友德封潁川侯胡均美封豫章侯韓政封東平侯黃彬封宜春侯曹良臣封宣寧侯

卷上

聖取記

九

退補齋藏板

梅思祖封汝南侯陸聚封河南侯俱授開國輔運推誠宣力武臣榮祿大夫柱國其食祿及賜帛各有差並賜誥命鐵券乃詔天下曰曩者有元失馭海宇紛爭朕自布衣奮身行伍觀羣雄之無力遂率眾渡江撫太平定建業選將練兵征討四方者幾二十年荷皇天宗社之眷山川百神之助諸將效謀六師用命遂致華夏清寧蕃夷臣伏一統之業屬予一人今者班師振旅定功封爵朕重念諸將士委身暴露艱苦之狀欽加重賞則天下鎮守之兵及京師護衛之士

不下百萬而民之資力有限是用計倉庫之所儲度民力之所具均其等第尊爵祿頌金帛以勞將臣仍稽古制定勳爵俾其子孫世襲軍士則各賞白金十兩錢六千朕之此言通于天地昭布中外咸使聞知

肅軍政第四

洪武元年春正月上以太史令劉基奏立軍衛法迺自京師達于郡縣皆立軍衛大率以五千六百名爲一衛一千一百二十名爲一千戶所一百一十二名爲一百戶所每一百戶下設總旗二名小旗一十名

卷上

聖政記

十

退補齋藏板

管領鈐束通以指揮使等官領之大小相維以成隊伍撫綏操練務在得宜毋敢紊亂空歇凡有事征伐則詔總兵官佩將印領之旣旋則上所佩印於朝廷軍士則各歸其衛而單身還第其權一皆出自朝廷而不敢有所擅調五年夏六月降律令於各衛禁止軍官軍人不得於私下或明白接受公侯所與信寶金銀段匹衣服糧米錢物及非出征時不得於公侯之家門首侍立其公侯非奉特旨不得私自呼喚軍人役使違者公侯三犯准免死一次軍官軍人三犯

發海南九軍

卷上

聖政記

十一

退補齋
藏板

發海南九軍

洪武聖政記卷下

絕倖位第五

上初卽位卽會羣臣立綱陳紀法體漢唐畧加增減亦參以宋朝之典內置中書省大都督府御史臺及六部等官外列都指揮使司布政使司按察使司及府州縣等官綱維庶務以安兆民一革冗濫之弊四年夏五月諭吏部尙書詹同等曰吏部者銜鑒之司鑒明則物之妍媸無所逃衡平則物之輕重得其當蓋政事得失在庶宮任官賢否由吏部任得其人則

卷下

聖政記

一

退補齋
藏板

政理民安非其人則瘵官曠職卿等居持衡秉鑒之任宜在公平以辯賢否母但庸庸碌碌充位而已六年夏四月命吏部訪求賢才上曰世有賢才國之寶也古之聖王恒汲汲于求賢若高宗之於傳說文王之於呂尚二君者豈其智之不足也而遑遑於板築鼓刀之徒蓋賢才不備不足以爲治鴻鵠之能遠舉者爲其有羽翼也蛟龍之能騰躍者爲其有麟鬣也人君之能致治者爲其有賢才而爲之輔也今山林之士豈無德行文藝之足稱者宜令有司採舉而備

禮遣送京師朕將任用之以圖至治

定民志第六

上命中書省定官民房舍服色等第諭之曰昔帝王之治天下必定禮制以辯貴賤明等威是以漢高初興卽有衣錦繡綺縠操兵乘馬之禁歷代皆然近世風俗相承流於奢侈閭里之民服食居處與公卿無異貴賤無等僭禮敗度此元之所以失政也中書其以官民房舍服色等第明立禁條頒布中外俾各有所守以正名分禮部上考定禮儀上謂尙書牛諒曰

卷下

聖政記

二

退補齋藏板

禮者國之防範人道之紀綱朝廷所當先務不可一日無也自元氏廢棄禮教因循百年而中國之禮變易幾盡朕卽位以來夙夜不忘思有以振舉之以洗梁汙之習故嘗命爾禮部定著禮儀今雖已成宜更與諸儒參詳考議斟酌先王之典以復中國之舊務合人情永爲定式庶幾愜朕心也又嘗諭徐達等曰禮法國之綱紀禮法立則人志定上下安建國之初此爲先務爾等爲吾輔相當守此道毋謹於始而忽於終也

新舊俗第七

六年冬十一月命刑部尙書劉惟謙更定新律每一篇成祇繕書上奏揭於西廡之壁上親御翰墨爲之裁定務協厥中而後頒降七年春二月新律成其篇目一準之於唐曰名例曰衛禁曰職制曰戶婚曰廩庫曰擅興曰盜賊曰鬪訟曰詐僞曰雜律曰捕亡曰斷獄其間或損或益或仍其舊悉合輕重之宜合六百有六條分三十卷

右申禁令

卷下

聖政記

三

退補齋藏板

上令諸司定文武科取士之法諭之曰上世帝王創業之際用武以安天下守成之時講武以威天下至於經綸撫治則在文臣二者不可偏用也古者人生八歲學禮樂射御書數之文十五學脩身齊家治國平天下之道是以周官選舉之制曰六德曰六行曰六藝文武兼用賢能並舉此三代治化所以隆盛也茲欲上稽古制設文武二科以廣求天下之賢其應文學者察之言行以觀其德考之經術以觀其業試之書算以觀其能策之經史時務以觀其政事其應

武舉者先之以謀畧次之以武藝取其實效不尙虛
文然此二者必先年責成有司預爲勸諭俾民間秀
士及智勇之人各以時勉學俟開舉之歲以充貢京
師上嘗謂翰林侍讀學士詹同等曰古人爲文章或
以明道德或以通當世之務如典謨之言皆明白易
知無深怪險僻之語至如諸葛孔明出師表亦何嘗
雕刻爲文而誠意溢出至今使人誦之自然忠義感
激近世文士不究道德之本不達當世之務故詞雖
艱深意實淺近卽使過揚雄相如何裨實用自今翰
林爲文但取通道理明世務無事浮藻

右覈實效

二年冬十月上諭中書省臣曰學校之教至元其弊
極矣使先王衣冠禮義之教混爲夷狄上下之間波
頽風靡故學校之教名存實亡況兵變以來人習於
戰鬪惟知干戈莫識俎豆朕嘗謂治國之要教化爲
先教化之道學校爲本京師雖有太學而天下學校
未興宜令郡縣皆立學禮延師儒教授生徒以講論
聖道使人日漸月化以復先王之舊以革汚染之習

卷下

聖政記

四

退補齋
藏板

此最急務宜速行之

八年春三月命御史臺官選國子生分教北方上諭之曰致治在於善俗善俗本乎教化教化行雖閭閻可使爲君子教化廢雖中材或墜爲小人近北方喪亂之餘人鮮知學欲求多聞之士甚不易得今太學諸生中年長學優者卿宜選取俾往北方各郡分教庶使人知務學人材可興於是選國子生林伯雲等三百六十六人給廩食賜衣服而遣之

右育人材

卷下

聖政記

五

退補齋藏板

三年夏六月李文忠等遣人送故元皇孫買的里八剌及其后妃等到京中書上言宜獻俘太廟上以帝王之後有所不忍止令具本俗之服見至日上服皮弁御奉天殿百官具朝服侍班侍儀使引見行五拜禮見皇太子行四拜禮后妃朝坤寧宮命婦具冠服侍班禮畢賜以中國冠服并賜第宅及廩餼封買的里八剌爲崇禮侯誥曰昔帝王之有天下必封前代子孫使作賓王家其來尙矣元失其馭四海紛爭朕以武功削平羣雄混一區宇爲天下主而買的里八

刺實爲元之宗孫比者遣將北征爾祖已殂旣克應昌爾迺來歸朕念帝王之後爰稽古制錫以侯封爾其夙夜恭慎稱朕優禮之意上以元主不戰而奔克順天命特諡曰順帝上又以其后妃在京不能耐暑且北狄但知食肉飲酪迺勅中書省臣務使之飲食起居適宜若其欲歸當遣還沙漠未幾竟遣還

右優前代

上以國家創業之初禮制未備勅中書省令天下郡縣舉素志高潔博古通今練達時宜之士禮送至京

卷下

聖政記

六

退補齋藏板

乃命凱等更製其詞至是上之命協音律者歌之謂侍臣曰禮以道敬樂以宣和不敬不和何以爲治元時古樂具廢惟淫詞豔曲更唱迭和又使胡虜之聲與正音相雜甚者以古先帝王祀典神祇飾爲隊舞諧戲殿廷殊非所以道中和崇治體也今所制樂章頗協音律有和平廣大之意自今一切流俗諛譏淫褻之樂悉屏去之

右正禮樂之失

三年上以山川之神不宜加以國家封號定制止稱

本名詔曰自有元失馭羣雄鼎沸土宇分裂聲教不同朕奮起布衣以安民爲念訓將練兵平定華夷大統以正永惟爲治之道必本於禮考諸祀典如五嶽五鎮四海四瀆之封起自唐世崇名美號歷代有加在朕思之則有不然夫嶽鎮海瀆皆高山廣水自天地開闢以來至今英靈之氣萃而爲神必皆受命於上帝幽微莫測豈國家封號之所可加瀆禮不經莫此爲甚至於忠臣烈士雖可加以封號亦惟當時爲宜夫禮所以明神人正名分不可以僭差今命依古

卷下

聖政記

七

退補齋藏板

定制凡嶽鎮海瀆並去其前代所封名號止以山水本名稱其神郡縣城隍神號一體改封歷代忠臣烈士亦依當時初封以爲實號後世謚議之稱皆與革去其孔子明先王之要道爲天下師以濟後世非有功於一方一時者可比所有封爵宜仍其舊庶幾神人之際名正言順于理爲當用稱朕以禮祀神之意

右去海嶽之封

上苑持身之道無優伶近狎之失酣歌夜飲之歡正宮無自縱之權妃嬪無專寵之幸自以乾清宮爲

正寢后妃宮院各有其所每夕進御有序或有浮詞
之婦察其言非卽加詰責故宮無妬忌之女其外戚
亦循理畏法無敢恃寵以病民寺人之徒惟給事掃
除之役凡古昔所深患者皆絕無之上每有識記書
札輒命皇后藏之倉卒取視后卽於囊中出而進之
未嘗脫誤凡進上御膳后必躬自省視宮人請曰宮
中人眾可無煩聖體后曰吾固知宮中有人但婦人
事夫不可不謹膳羞上進不可不潔脫有不至汝輩
受責吾心豈安吾所以爲此者一以敬上而不敢忽
一以保汝輩免於責也豈謂無人耶宮人聞之莫不
感悅

右嚴宮闈之法

二年春正月上勅中書省臣曰元末政亂禍及生靈
朕倡義臨濠以全鄉曲繼率英賢渡大江遂西取武
昌東定姑蘇北下中原南平閩廣越十有六載始克
混一每念諸將相從捐軀戮力開拓疆宇有共事而
不覩其成建功而未食其報追思前勞痛切朕懷人
孰無死死而不朽乃爲可貴若諸將者生建忠勇之

卷下

聖政記

八

退補齋
藏板

節死有無窮之榮身雖沒而名永不磨矣其命有司立功臣廟於鷄鳴山序其封爵爲像以奉祀之又嘗勅禮部官曰自古忠臣義士舍生而取義者身沒而名存有以垂訓於天下後世若元右丞余闕守安慶屹然當南北之衝援絕力窮舉家皆死節義凜然又若江州總管李輔身守孤城力抗強敵臨難死義與闕同轍自昔忠臣義士必見褒崇於後代蓋以厲風教也宜令有司建祠肖像祀之

右厲忠節之訓

卷下

聖政記

九

退補齋藏板

監察御史高原侃言京師人民循習元氏舊俗凡有喪葬設酒會親友作樂娛尸惟較酒殺厚薄無哀戚之情流俗之壞至此甚非所以爲治且京師者天下之本萬民之所取則一事非禮則海內之人轉相視效弊可勝言況送終禮之大者不可不謹乞禁止以厚風化上是其言乃詔禮官定官民喪服之制上以唐宋皆有成律斷獄惟元不做古制取一時所行之事以爲條格且比例太繁胥吏因之易爲奸弊以出入人罪故自平武昌以來卽命定律後臺諫旣立遂

命左丞相李善長學士陶安等詳定而痛革舊例之繁

右剗積歲之弊

洪武聖政記

卷下

聖政記

十

退補齋
藏板

旌義編二卷

全華叢書

退齋集

全華叢書二卷

重刻旌義編序

海內以義門著姓者咸推陳氏而吾郡浦陽之鄭十世同居垂三百年孝義之風與陳氏相輝映或者謂太和之氣鍾於一門克臻斯美要其所以致此之由非可苟焉已也傳云父兄

旌義編序

一

退補齋
藏板

之教不先子弟之率不謹今讀是編百六十有八則自冠婚喪祭以至衣服飲食靡弗肫然秩然型以仁範以禮而其敷詞質實婦孺尤易通曉視昔聖賢家訓庭誥之作有過之無不及焉余搜求日久始獲善本亟梓以示

後嗣且公同志烏虜俗之蔽也萬家之
縣十室之邑其間取帚諱言借鋤德色
者久已習為故常甚至父子析居兄
弟爭產蕭牆變起骨肉成仇非盡
無良也抑亦所以教之者不早耳夫
天下者國之積也國者家之積也今

旌義編序

二

退補齋
藏板

安得四海之內家置旌義一編以挽
澆漓而敦倫紀俾家齊而國治國治
而天下平焉是則余之所厚望也夫
同治九年秋九月同郡後學胡鳳丹
月樵甫謹序



浦陽鄭氏世居縣東二十五里鄉名感德里曰仁義其遠祖冲素處士綺自宋建炎初至今同居已十世歷二百六十餘年守詩書禮樂之教弗墜宋元二史具載孝義傳中其持守之規前錄五十八則六世孫龍灣稅課提領太和所建後錄七十則續錄九十二則七世孫青榿府君欽浙江行省都事鉉所補皆已勒名錄梓當時公卿大夫所遺詩文亦類爲麟溪集二十二卷刊示後昆今八世孫太常博士濤復爲三規閱世頗久其中當有隨時變通者乃率諸弟泳渙

序

一
退補齋藏板

湜等白於二兄濂源同加損益而合於一聞諸父之訓曾行而未登載者因增入之總爲一百六十八則文辭之屬選有繫於事實者則錄之釐爲三卷通名曰鄭氏旌義編旣刊板可摸印請言其故於篇端余與源爲姻家濤爲同門友而泳等又皆執經從余學義不容辭嗚呼是編之行其於厚人倫美教化之道誠有益哉洪武十五年冬十月庚子朔前翰林學士承旨嘉議大夫知制誥兼修國史兼太子贊善大夫

同郡宋濂引

旌義編卷一

元鄭濤撰

郡後學胡鳳丹月樵校梓

一立祠堂一所以奉先世神主出入必告正至朔望必參俗節必薦時物四時祭祀其儀式竝遵文公家禮然各用仲月望日行事事畢更行會拜之禮一時祭之外不得妄祀邀福凡遇忌辰孝子當用素衣致祭不作佛事象錢寓馬亦併絕之是日不得飲酒食肉聽樂夜則出宿於外

一祠堂所以報本宗子當嚴灑埽局鑰之事所有祭

器服不許他用

卷一

旌義編

一
退補齋藏板

一祭祀務在孝敬以盡報本之誠其或行禮不恭離席自便與夫跛倚欠伸噉噉咳嗽一切失容之事督過議罰督過不言眾則罰之

一撥常稔之田一百五十畝

世遠遂增

別蓄其租專充祭

祀之費其田券印義門鄭氏祭田六字字號步畝亦當勒石祠堂之左俾子孫永遠保守有言質鬻

者以不孝論

一子孫入祠堂者當正衣冠卽如祖考在上不得嬉

笑對語疾步晨昏皆當致恭而退

一宗子上奉祖考下壹宗族家長當極力教養若其不肖當遵橫渠張子之說擇次賢者易之

一諸處塋塚歲節及寒食十月朔子孫須親展省婦人

不近塋竹樹不許翦拜各處菴宇更當葺治至於作塚制度已有家禮可法不必過奢

一墳塋年遠其有平塌淺露者宗子當擇潔土益之更立石深刻名字勿致湮滅難考

一四月一日係初遷之祖遂陽府君降生之朝宗子

卷一

旌義編

二

退補齋藏板

當奉神主於有序堂集家眾行一獻禮復擊鼓一十五聲令子弟一人朗誦譜圖一過曰明譜會團揖而退

一朔望家長率眾參謁祠堂畢出坐堂上男女分立堂下擊鼓二十四聲令子弟一人唱云聽聽聽凡爲子者必孝其親爲妻者必敬其夫爲兄者必愛其弟爲弟者必恭其兄聽聽聽毋徇私以妨大義毋怠惰以荒厥事毋縱奢以干天刑毋用婦言以間和氣毋爲橫非以擾門庭毋耽麴孽以亂厥性

有一于此既殞爾德復隳爾允眚茲祖訓實繫廢
興言之再三爾宜深戒聽聽眾皆一揖分東西
行而坐復令子弟敬誦孝弟故實一過會揖而退
一每旦擊鐘二十四聲家眾俱興四聲咸盥漱八聲
入有序堂家長中坐男女分坐左右令未冠子弟
朗誦男女訓戒之辭男訓云人家盛衰皆繫乎積
善與積惡而已何謂積善居家則孝弟處事則仁
恕凡所以濟人者皆是也何謂積惡恃己之勢以
自強剋人之財以自富凡所以欺心者皆是也是

卷一

旌義編

三

退補齋
藏板

故能愛于孫者遺之以善不愛于孫者遺之以惡
傳曰積善之家必有餘慶積不善之家必有餘殃
天理昭然各宜深省女訓云家之和不和皆繫婦
人之賢否何謂賢事舅姑以孝順奉丈夫以恭敬
待娣姒以溫和接子孫以慈愛如此之類是已何
謂不賢淫狎妒忌恃強凌弱搖鼓是非縱意徇私
如此之類是已天道甚近福善禍淫爲婦人者不
可不畏誦畢男女起向家長一揖復分左右行會
揖而退無聲男會膳於同心堂女會膳於安貞堂

三時竝同其不至者家長規之

一家長總治一家大小之務凡事令子弟分掌然須謹守禮法以制其下其下有事亦必咨稟而後行不得私假不得私與

一家長專以至公無私爲本不得徇偏如其有失舉家隨而諫之然必起敬起孝無妨和氣若其不能任事次者佐之

一爲家長者當以至誠待下一言不可妄發一行不可妄爲庶合古人以身教之之意臨事之際母察

卷一

旌義編

四

退補齋藏板

察而明毋昧昧而昏更須以量容人常視一家如一身可也

一家中產業文券旣印義門公堂產業子孫永守等字仍書字號置立砧基簿書告官印押積置當如此法家長會眾封藏不可擅開不論長幼有敢言質鬻者

以不孝論

一子孫倘有私置田業私積貨泉事迹顯然彰著眾得言之家長家長率眾告於祠堂擊鼓聲罪而榜於壁更邀其所與親朋告語之所私即便拘納公

堂有不服者告官以不孝論其有立心無私積勞於家者優禮遇之更於勸懲簿上明記其績以示於後

一子孫賭博無賴及一應違於禮法之事家長度其不可容會眾罰拜以媿之但長一年者受三十拜又不悛則會眾而痛箠之又悛則陳於官而放絕之仍告於祠堂於宗圖上削其名三年能改者復之

一凡遇凶荒事故或有缺支家長預爲區畫不使匱

旌義編

五

退補齋
藏板

乏

一朔望二日家長檢點一應大小之務有不篤行者議罰諸簿籍或過日不算結及失時不具呈者亦量情議罰

一內外屋宇大小修造工役家長常加點檢委人用工毋致損壞

一每歲掌事子弟交代先須謁祠堂書祝致告次拜家長然後領事

一設典事二人以助家長行事必選剛正公明才堪

治家爲眾人之表率者爲之竝不論長幼不限年月凡一家大小之務無不與焉每夜須了諸事方許就寢違者家長議罰

一每夜聚會之際典事對眾商確何日可行某事書之於籍上半月所書下半年行之下半年所書次上半月行之庶無迂滯之患事當即行者不拘

一擇端嚴公明可以服眾者一人監視諸事

四十以上方可

然必二年一輪

有善公言之有不善亦公言之如或知而不言與言而非實眾告祠堂鳴鼓聲而易置之

卷一

旌義編

六

退補齊藏板

一監視蒞事告祠堂畢集家眾於有序堂先拜尊長四拜次受卑幼四拜然後鳴鼓細說家規使肅聽之

一監視糾正一家之是非所以爲齊家之則而家之盛衰繫焉不可顧忌不言在上者必當犯顏直諫諫若不從悅則復諫在下者則教以人倫大義不從則責又不從則撻

一立勸懲簿令監視掌之月書功過以爲善善惡惡之戒有沮之者以不孝論

一造二牌一刻勸字一刻懲字下空一截用紙寫帖
何人有何功何人有何過既上勸懲簿更上牌中
挂會揖處三日方收以示賞罰

一設主記一人以會貨泉穀粟出納之數凡穀匣收
滿主記封記不許擅開違者量輕重議罰如遇開
支主記不親視罰亦如之鑰匙皆主記收遇開則
漸次付之支訖復還主記

一選老成有知慮者通掌門戶之事輸納賦租皆稟
家長而行至於山林陂池防範之務與夫增拓田

卷一

旌義編

七

退補齋
藏板

業之勤計會財息之任亦併屬之

一立家之道不可過剛不可過柔須適厥中凡子弟
當隨掌門戶者輸去州邑練達世故庶無懵暗不
諳事機之患若年過七十者當自葆綏不宜輕出
一增拓產業長上必須與掌門戶者詳其物與價等
然後行之或掌門戶者他出必俟其歸方可交易
然又預使子弟親去看視肥瘠及見在文憑無差
切不可鹵莽以爲子孫之害

一凡置產業卽時書於受產簿中不許過於次日仍

用招人佃種其或失時不行家長朔望點檢議罰
一增拓產業彼則出於不得已吾則欲爲子孫悠久
之計當體究果值幾緡盡數還足不可與駟僮交
謀潛萌侵人利己之心否則天道好還縱得之必
失之矣交券務極分明不可以物貨逋負相準或
有欠者後當索償又不可以秋稅暗附他人之籍
使人陪輸官府積禍非輕

一每年之中命二人掌管新事所掌收放錢粟之類
又命二人掌管舊事所掌冠昏喪祭及飲食之類

卷一

旌義編

八

退補齋
藏板

然皆以六月而代務使勞逸適均

一新舊管輪當須視爲切己之事計會經理自二十
五歲至六十歲止過此血氣旣衰當優遇之毋任
以事

一新舊管皆置日簿每日計其所入幾何所出幾何
總結於後十日一呈監視果無私濫則監視書其
下曰體驗無私若顯露先責監視次及新舊管

一新管置一總租簿明寫一年逐色穀若干石總計
若干石又新置田若干石此是一定之額卻於當

年十二月望日以所收者與前數總較之便知實欠多少以憑催索後索到者別書於畸零簿至交代時卻入總租簿內通算

一新管所收穀麥每匣收訖卽結總數報於主記置稅賦簿令其親書某號匣係某人於某月日收何等穀麥若干石量出之時亦須置簿書寫某匣春磨自某日支起至某日用畢以憑稽考

一新管所管穀麥必當十分用心及時收曬免致黷爛收支明白不至虧折關防勤謹不至遺失賞則

卷一 旌義編

九

退補齋藏板

及之若有前弊罰本年衣資棉線不給如遇稱收繁冗則撥子弟分收之

一佃人用錢貨折租者新管當逐項收貯別附於簿每日納諸家長至交代時通結大數書於總租簿云收到佃家錢貨若干總計租穀若干如以禽畜之類準折者則付與舊管支錢入帳不可與雜色錢同收

一田地有荒蕪者新管逐年招佃或遇墾江亦卽書簿以俟開墾既畢復入原簿免致失於照管

一田租既有定額子孫不得別增數目所有逋租亦不可起息以重困里黨之人但務及時勤索以免虧折

一佃家勞苦不可備陳試與會計之所獲何嘗補其所費新管當矜憐痛憫不可縱意過求設使爾欲既遂他人謂何否則貽怒造物家道弗延除正租外所有佃麥佃雞之類斷不可取

一鄰族分歲之飲舊管於冬至後排日爲之

一男女六十者禮宜異膳舊管盡心奉養務在合宜

違者罰之

卷一

旌義編

十

退補齋藏板

一新管簿書不分明者不許交代一應催督錢穀須是先期逐項詳註已未收索之數於交代日分明條說併承帳人交付雖累更新管要如出於一手庶不使人欺隱舊管簿書不分明者亦不許交代一所用監視及新舊管其有才幹優長不可遽代者聽眾人舉留

一設羞服長一人專掌男女衣資之事宜先措置夏衣之給須在四月冬衣之給須在九月不得臨時

猝辦如或過時不給家長罰之

凡生男女
周歲卽給

一男子衣資一年一給十歲已上者半其給給以布十六歲已上者全其給兼以帛四十歲已上者優其給給以帛仍皆給裁製之費若年至二十者當給禮衣一襲巾履則一年一更

一婦人衣資照依前數兩年一給之女子及笄者給銀首飾一副

一每歲羞服長除給男女衣資外更於四時祭後一日俵散諸婦履材及油澤脂粉針花之屬

卷一

旌義編

十一

退補齋
藏板

一各房染段羞服長斟酌爲之仍置簿書之毋使多寡不均

一子孫須令飽煖方能保全義氣當令廉謹有爲者以掌羞服之事務要合宜而無不足之歎

一設掌膳二人以供家眾膳食之事務要及时烹爨不許干預舊管雜役亦須一年一輪

一擇廉謹子弟二人收掌錢貨所出入皆明白附簿或有折陷者勒其本房衣資首飾補還公堂

一擇廉幹子弟二人以掌營運之事歲終會算通計

其數呈於家長監視嚴加關防察其私濫

一子孫以理財爲務者若沈迷酒色妄肆費用以致虧陷家長覈實罪之與私置私積者同

一委人啓肆皆公堂給本與之一年一度新管爲之結算其子錢納諸公堂

一畜收樹藝當令一人專掌之須置簿書寫數目以憑稽考然須常加點檢務要增益如或失時不辨住本人本年衣資不給

一設知賓二人接奉談論提督茶湯點視牀帳被褥

務要合宜

卷一

旌義編

十一

退補齋藏板

一親賓往來掌賓客者稟於家長當以誠意延款務合其宜雖至親亦宜宿於外館

一親朋會聚若至十人舊管不許於夜中設宴時有小酌亦不許至一更晝則不拘

一親媼餽送一年一度非常慶弔則不拘此切不可過奢又不可視貧而加簿視富而加厚

一子弟未冠者學業未成不聽食肉古有是法非惟有資於勤苦抑欲其識齋鹽之味

一子弟未冠者不許以字行不許以第稱庶幾合於古人責成之意

一子弟年十六以上許行冠禮須能暗記四書一經正文講說大義方可行之否則直至二十一歲弟若先能則先冠以媿之

一子弟當冠須延有德之賓庶可責以成人之道其儀式竝遵文公家禮

一子弟已冠而習學者每月十日一輪挑背已記之書及譜圖家範之類初次不通去巾一日再次不

通則倍之三次不通則分紛如未冠時通則復之

卷一 旌義編

七

退補齋藏板

旌義編卷二

元鄭濤撰

郡後學胡鳳丹月樵校梓

一女子年及笄者母爲選賓行禮製辭字之

一婚姻乃人道之本親迎醮啐奠雁授綬之禮人多

違之今一祛時俗之習其儀式竝遵文公家禮

一婚嫁必須擇溫良有家法者不可慕富貴以虧擇

配之義其豪強逆亂世有惡疾者毋得與議

一立嘉禮莊一所撥田一千五百

世遠

逐增別儲其租令

廉幹子弟專掌充婚嫁費男女各穀一百五十石

爲則

卷二

旌義編

一

退補齋藏板

一娶婦須以嗣親爲重不得享賓不得用樂違者罰
之人門四日婿婦同往婦家行謁見之禮

一娶婦三日婦則見於祠堂男則拜於中堂行受家
規之禮先拜四拜家長以家規授之祝其謹守勿
失復拜四拜而去又以房扁授之使其揭於房闥
之外以爲出入觀省會茶而退

一子孫當娶時須用同身寸製深衣一襲巾履各一
事仍令自藏以備行禮之用

一子孫有妻子者不得更置側室以亂上下之分違者責之若年四十無子許置一人不得與公堂坐
一女子議親須謀於眾其或父母於幼年妄自許人者公堂不與妝奩

一女適人者若有外甥彌月之禮惟首生者與之餘竝不許但令人以食味慰問之

一甥壻初歸除公堂以禮與之不得別有私與諸親竝同

一姻家初見當以幣帛爲贄不用銀學他有饋者此

亦不受

一喪禮久廢多惑於釋老之說今皆絕之其儀式竝

遵文公家禮

一子孫臨喪當務盡禮不得惑於陰陽非禮拘忌以乖大義

一喪事不得用樂服未闋者不得飲酒食肉違者以不孝論

一子孫器識可以出仕者頗資勉之既仕須奉公勤政毋蹈貪黷以忝家法任滿父代不可過於留戀

卷二

旌義編

二

退補齋藏板

亦不宜恃貴自尊以驕宗族仍用一遵家範違者以不孝論

一子孫倘有出仕者當蚤夜切切以報國爲務撫恤下民實如慈母之保赤子有申理者哀矜懇惻務得其情母行苛虐又不可一毫妄取於民若在任衣食不能給者公堂資而勉之其或廩祿有餘亦當納之公堂不可私於妻孥競爲華麗之飾以起不平之心違者天實臨之

一子孫出仕有以贓墨聞者生則於譜圖上削去其名死則不許入祠堂

如果被誣指者則不拘此

卷二

旌義編

三

退補齋藏板

一宗人實共一氣所生彼病則吾病彼辱則吾辱理勢然也子孫當委曲庇覆勿使失所切不可恃勢凌轍以忝厥祖更於缺食之際揆其貧者月給穀六斗直至秋成住給其不能婚嫁者助之爲人之道舍教其何以先當營義方一區以教宗族之子弟免其束修

一宗族之無所歸者量撥房屋以居之更勸勿用火葬無地者聽埋義塚之中

一立義塚一所鄉鄰死亡委無子孫者與給構槨埋之其鰥寡孤獨果無以自存者時賙給之

一宗人無子實墜厥祀當擇親近者爲繼立之更少資之

一宗人若寒深當憫惻其果無衾與絮者子孫當量力而資助之

一祖父所建義祠蓋奉宗族之無後者立春祀先祖畢當令子弟設饌祭之更爲修理毋致隳壞

一立春當行會族之禮不問親疏戶延一人食品以

三進爲節

一里黨或有缺食裁量出穀借之後催原穀歸還勿

收其息其產子之家給助粥穀二斗五升

一展藥市一區收貯藥材鄰族疾病其證章章可驗

如瘡痢癰癤之類施藥與之更須診察寒熱虛實

不可慢易此外不可妄與恐致悞人

一橋圯路淖子孫倘有餘資當助修治以便行客或

遇隆暑又當於通衢設湯茗一二處以濟渴者自

六月朔至八月朔止

卷二

旌義編

四

退補齋藏板

一里黨之疴痒疾痛吾子孫當深念之彼不自給况望其饋遺我乎但有一毫相贈亦不可受違者必受天殃

一拯救宗族里黨一應等務令監視置推仁簿逐項書之歲終於家長前會算其或沽名失實及執吝不肯支者天必絕之此吾拳拳真切之言不可不謹不可不慎

一子孫須恂恂孝友實有義家氣象見兄長坐必起行必以序應對必以名毋以爾我諸婦竝同

卷二

旌義編

五

退補齋藏板

一子孫之於尊長咸以正稱不許假名易姓

一兄弟相呼各以其字冠於兄弟之上伯叔之命姪亦然姪之稱伯叔則以行稱繼之以父夫妻亦當以字行諸娣姒相呼竝同

一子姪年非六十者不許與伯叔連坐違者家長罰之會膳不拘

一卑幼不得抵抗尊長

一日之長皆是

其有出言不遜所行

悖戾者姑誨之誨之不悛者則重箠之

一子孫受長上訶責不論是非但當俯首默受毋得

分理

一子孫固當竭力以奉尊長爲尊長者亦不可挾此自尊攘拳奮袂忿言穢語使人無所容身甚非教養之道若其有過反覆諭戒之甚不得已會眾箠之以示恥辱

一子孫黎明聞鐘卽起監視置夙興簿令各人親書其名然後就所業或有託故不書者議罰

一子孫飲食幼者必後於長者言語亦必有倫應對賓客不得雜以俚俗方言

卷二

旌義編

六

退補齋藏板

一子孫不得謔浪敗度免巾徒跣凡諸舉動不宜掉臂跳足以蹈輕儇見賓客亦當肅行祇揖不可參差錯亂

一子孫不得目觀非禮之書其涉戲謔淫褻之語者卽焚毀之妖幻符呪之屬竝同

一子孫不得從事交結以保助閭里爲名而恣行己意遂致輕冒刑憲墮圮家業故吾再申言之切宜刻骨

一子孫毋習吏胥毋爲僧道毋狎屠豎以壞亂心術

當時以仁義二字銘心鏤骨庶或有成

一廣儲書籍以惠子孫不許假人以致散逸仍識卷首云義門書籍子孫是教鬻及借人茲爲不孝

一延迎禮法之士庶幾有所觀感有所興起其於學問資益非小若哢詞幻學之流當稍款之復遜辭以謝絕之

一小兒五歲者每朔望參祠講書及忌日奉祭可令

學禮

入小學者當預四時祭祀

每日蚤膳後亦隨眾到書齋祇

揖須值祠堂者及齋長舉名否則罰之其母不容

者亦罰之

卷二 旌義編

七

退補齋藏板

一子孫自八歲入小學十二歲出就外傳十六歲入大學聘致明師訓飭必以孝弟忠信爲主期底於道若年至二十一歲其業無所就者令習治家理財向學有進者不拘

一子孫年十二於正月朔則出就外傳見燈不許入中門入者箠之

一子孫爲學須以孝義切切爲務若一向偏滯辭章深所不取此實守家第一事不可不慎

一子孫年未二十五者除棉衣用絹帛外餘皆衣布除寒凍用蠟屐外其餘遇雨皆以麻屨從事三十里內竝須徒步初到親姻家者不拘

一子孫年未三十者酒不許入脣壯者雖許少飲亦不宜沈醑杯酌喧譁鼓舞不顧尊長違者筆之若奉延尊客惟務誠慤不必強人以酒

一子孫當以和待鄉曲甯我容人毋使人容我切不可先操忽人之心若屢相凌逼進進不已者當理直之

卷二

旌義編

八

退補齋藏板

一秋成穀價廉平之際糶五百石別爲儲蓄遇時缺食依原價糶給鄉鄰之困乏者

一子孫不得惑於邪說溺於淫祀以邀福於鬼神

一子孫不得修造異端祠宇裝塑土木形像

一子孫處事接物當務誠朴不可置纖巧之物務以悅人以長華麗之習

一子孫不得與人眩奇鬪勝兩不相下彼以其奢我以吾儉吾何害哉

一旣稱義門進退皆務盡禮不得引進倡優謳詞獻

技娛賓狎客上累祖考之嘉訓下教子孫以不善甚非小失違者家長箠之

一家業之成難如登天當以儉素自繩是準惟酒器用外子孫不得別造以敗我家風

一俗樂之設誨淫長奢切不可令子孫聽復習肆之違者家長箠之

一棋枰雙陸詞曲蟲鳥之類皆足以蠱心惑志廢事敗家子孫當一切棄絕之

一子孫不得畜養飛鷹獵犬專事佚遊亦不得恣情

卷二

旌義編

九

退補齋藏板

取贖以敗家違者以不孝論

一吾家既以孝義表門所習所行無非積善之事子

孫皆當體此不得妄肆威福圖脅人財侵凌人產

以爲祖宗植德之累違者以不孝論

一子孫受人贄帛皆納之公堂後與回禮

一子孫不得私造飲饌以徇口腹之欲違者姑誨之

誨之不悛則責之

產者病者不拘

一凡遇生朝父母舅姑存者酒果三衍亡者則致恭

祠堂終日追慕

一 壽辰既不設筵所以襪履亦不可受徒蠹女工無益於事

一 家中燕饗男女不得互相獻酬庶幾有別若家長舅姑禮

宜饋食者不拘

一 各房用度雜物公堂總買而均給之不可私託鄰族越分競買鮮華之物以起乖爭

一 家眾有疾當痛念之延良醫以救療之

一 居室既多守夜當輪用已娶子弟終夜鳴磬以達於旦仍鳴小磬周行居室者四次所過之處隨手

卷二 旌義編

十

退補齋藏板

啓閉門局務在謹嚴以防偷竊有故不在家者次輪當者續之

一 防虞之事除守夜及就外傅者別設一人謹察風

燭掃拂竈塵凡可以救災之具常須增置若油籃繫索之屬

更列水缸於房闔之外冬月用草結蓋以護寒凍復於空地

造屋安置薪炭所有辟蚊蒿燼亦棄絕之

一 早曉之時子弟不得吝惜陂塘之水以妨灌注

一 諸婦必須安詳恭敬奉舅姑以孝事丈夫以禮待娣姒以和無故不出中門夜行以燭無燭則止如

其淫狎卽宜屏放若有妒忌長舌者姑誨之誨之不悛則責之責之不悛則出之

一諸婦謀言無恥及干與閫外事者當罰拜以媿之一諸婦初來何可便責以吾家之禮限半年皆要通曉家規大意或有不教者罰其夫

一初來之婦一月之外許用便服

一諸婦服飾毋事華靡但務雅潔違則罰之更不許其飲酒年過五十者不拘

一諸婦之家貧富不同所用器物或有或無家長量度給之庶使均而無怨

卷二 旌義編

十一

是浦齋藏板

一諸婦主饋十日一輪年至六十者免之新娶之婦與假三月三月之外卽當主饋主饋之時外則告於祠堂內則會茶以聞於眾託故不至者罰其夫膳堂所有鎖鑰及器皿之類主饋者次第交之一諸婦工作當聚一處機杼紡績各盡所長非但別其勤惰且革其私心

一主母之尊欲使家眾悅服不可使側室爲之以亂尊卑

一每歲畜蠶主母分給蠶種於諸婦使之在房畜飼待成熟時卻就蠶屋上箔須令子弟值宿以風燭所得之繭當聚一處抽繅更預先抄寫各房所畜多寡之數照什一之法賞之

一諸婦每歲所治絲絲之類羞服長同主母稱量付諸婦共成段疋羞服長復著其銖兩於簿主母則催督而成之諸婦能自織造者羞服長先用什一之法賞之然後給散於眾

一諸婦每歲公堂於九月俵散木棉使成布疋限以

卷二 旌義編

十一

退補齋藏板

次年八月交收通賣錢物以給一歲衣資之用公堂不許侵使或有故意製造不佳及不登數者則準給本房甚者住其衣資不給病者不拘有能依期登數者照什一之法賞之其事並係羞服長主之

一諸婦育子苟無大故必親乳之不可置乳母以飢人之子

一諸婦育子不得接受鄰俗雞子兔肩之類舊管日周給之

一諸婦之於母家二親存日禮得歸甯無者不許其

有慶弔勢不可已者但令人往

一諸婦親姻頗多除本房至親與相見外餘竝不許可相見者亦須子弟引導方入中門見燈不許違者會眾罰其夫

一婦人親族有爲僧道不許往來

一朔望後一日令諸生聚揖之時直說古列女傳使諸婦聽之

一世人生女往往多致淪沒縱曰女子難嫁荆釵布裙有何不可諸婦違者議罰

卷二 旌義編

七

退補齋藏板

一女子年及八歲者不許隨母到外家餘雖至親之家亦不許往違者重罰其母

一少母但可受自己子婦跪拜其餘子弟不過長揖諸婦竝同有違者監視議罰

死後忌日亦同

一男女不共圍溷不共溷浴以謹其嫌春冬則十日一浴夏秋不拘

一男女不親授受禮之常也諸婦不得用刀鑷工剃面

一莊婦類多無識之人最能翻鬪是非若非高明鮮

有不遭聾瞽切不可縱其來往歲時展賀亦不可
令人房闈

卷二

旌義編

古

退補齋
藏板

08054

命人房闈

命人房闈



